

ZAKON O IZMJENAMA I DOPUNAMA ZAKONA O POTICANJU RAZVOJA MALE PRIVREDE

Član 1.

U Zakonu o poticanju razvoja male privrede ("Službene novine Federacije BiH", br. 19/06), u članu 14. iza stava (1) dodaje se novi stav (2) koji glasi:

(2) "Korisnici sredstava obavezni su:

- namjenski koristiti dodijeljena sredstva u realizovanju mjere razvoja;
- pridržavati se rokova o implementaciji dodijeljenih sredstava utvrđenih posebnim aktom;
- pridržavati se rokova izvještavanja o realizovanju preuzetih obaveza utvrđenih posebnim aktom."

Član 2.

Član 18. mijenja se i glasi:

"(1) Novčanom kaznom u iznosu od 1.000 KM do 10.000 KM kaznit će se za prekršaj korisnik sredstava - pravno lice ako:

- nenamjenski koristi dodijeljena sredstva u realizovanju mjere razvoja (član 14. stav (2) alineja 1. ovog Zakona).

(2) Novčanom kaznom u iznosu od 500 KM do 2.000 KM kaznit će se i odgovorna osoba u pravnom licu za prekršaj iz ovog člana.

(3) Za prekršaj iz stava (1) ovog člana kaznit će se fizička osoba - korisnik sredstava, novčanom kaznom u iznosu od 500 KM do 1.500 KM."

Član 3.

Iza člana 18. dodaje se novi član 18a. koji glasi:

"Član 18a.

(1) Novčanom kaznom u iznosu od 500 KM do 5.000 KM kaznit će se za prekršaj korisnik sredstava - pravno lice, ako:

- ne implementira dodijeljena sredstva u roku utvrđenom u posebnom aktu (član 14. stav (2) alineja 2. ovog Zakona);
- ne izvijesti o realizovanju preuzetih obaveza u roku utvrđenom posebnim aktom (član 14. stav (2) alineja 3. ovog Zakona).

(2) Novčanom kaznom u iznosu od 300 KM do 1.500 KM kaznit će se i odgovorna osoba u pravnom licu za prekršaj iz ovog člana.

(3) Za prekršaj iz stava (1) ovog člana kaznit će se fizička osoba - korisnik sredstava novčanom kaznom u iznosu od 200 KM do 1.000 KM."

Član 4.

U članu 19. riječi: "pripadajuće komisije za prekršaje ovih federalnih ministarstava, kantona, gradova i općina u skladu sa propisima kojim se uređuje prekršajni postupak", zamjenjuju se riječima: "nadležni općinski sudovi".

Član 5.

Ovaj Zakon stupa na snagu osmog dana od dana objavljivanja u "Službenim novinama Federacije BiH".